

Պ

ՊԵՏՐՈՍ ԵՈՒՍՈՒՅԵԱՆ, ԶՄԻՌՆԻԱՅԻ. — Պօղոս պէյ Եուսուֆի (✳ 1843) եղբայրն էր, 1780 ին Թրիէստի մէջ կը վարէր Եգիպտոսի փոխարքային սեղանաւորութիւնը և գործակալութիւնը: Պետրոս Եուսուֆեան՝ Զաքարիա եպարի (յետոյ պարք.) թիւազրութեամբ 1834 ին Ս. Յակոբի վանքին կը նուիրէ փայտեայ մամուլ մը կապարեայ գիրերով և գործիքներով (Ակնարկ. էջ 16): Նպաստած է նաև Ս. Էջմիածնի հիւրանոցի նորոգութեան և Զմիւռնիոյ Ազգ. վարժարանին. վախճանած է 1846 ին Կորիձայի մէջ:

ՊՕՂՈՍ ԿՍՐԱՊԵՏԵԱՆ, ԱՐԱՊԿԻՐՅԻ. — Փոքր հասակին Գահիրէ գացած է իր ազգականներուն մօտ, ուսած է արաբերէն. նախ մառանապետ կը կարգուի Եգիպտոսի փոխարքային և յետոյ կը հաստատէ սեղանաւորական տուն մը Գահիրէի մէջ. Արաբկիրի մէջ հիմնած է վարժարան մը որ 1895 ի զէպքերուն հրոյ ճարակ եղած է: Կարապետեան Զէյթունի և ուրիշ տեղերու ալ ի նպաստ բարեգործութիւններ ըրած է:

Յիշեալը թողած է նաև կտակագիր մը 1893 Ապր. 13 թըւականով, որ 1894 Օգոստոս 10 ին հաստատուած է սուսական հիւպատոսարանէն: Պօղոս Կարապետեան նոյն կտակագիրին համաձայն, Եգիպտոսի Կիզէ և Կալուպիէ նահանգներուն մէջ ունեցած 66 ֆէտտան մշակեալ հողերը կտակած է Արաբկիրու և Գահիրէի Ազգ. վարժարաններուն, ինչպէս նաև Երուսաղէմի Ս. Յակոբի վանքին, պայմանաւ որ իր արական սեռի ժառանգորդները յաջորդաբար մատակարարեն այդ հողերը և զուտ արգիւնքը բաժնեն նոյն երեք հաստատութիւններուն, հետեւեալ համեմատութեամբ, $\frac{1}{10}$ 45 ը Արաբկիրի, 30 ը Գահիրէի և 25 ը Երուսաղէմի Ս. Յակոբի վանքին: Վանքը ամէն տարի կանոնաւորապէս կը գանձէ իր բաժինը:

Ս

ՍՈՂՈՄՈՆ ՊԱՊԷ ԹԻՖԼԻՍՅԻ. — Մասնաւոր կտակագիրով իր ստացուածքը կը կտակէ իր ժառանգորդներուն, Ս. Յակոբի